

De la historia de la Iglesia Evangélica Unida de Riacho de Oro

Comentarios del pr. Cornelio Mansilla, agosto 2005

Hay algunos hermanos que todavía están, otros ya han fallecido. Me hace pensar lo que decían muchos ancianos que el año 1946 recién han conocido la Palabra de Dios. Y ahora (2005) ya han pasado 59 años.

Pero otros ancianos habían anteriormente ya conocido la Biblia, como por ejemplo el primer pastor de la Iglesia Ev. Unida, el hermano **Ernesto Segundo**, que fue pastor por muchos años.

Había otro anciano, **Bailón Suárez**, que no era pastor, ni misionero, ni predicador, no tenía cargo, solo oraba ese hermano. Un día ese hermano se tuvo que ir de acá. Entonces llamó a **Lorenzo Barrio** a trabajar como primer pastor, a **Carlos López** como segundo y a **Juan Franco** como tercer pastor (los tres difuntos). Ellos fueron elegidos por el anciano Bailón Suárez. Ellos trabajaron por muchos años.

Después llegó el tiempo en que el pastor Lorenzo Barrio se tuvo que ir de este lugar para ir a Santo Domingo (Fsa.) para levantar otra iglesia en ese lugar. Entonces el anciano Bailón Suárez se hizo cargo otra vez de esta iglesia nombrando a Carlos López como primer pastor. Es por eso que tenemos que cuidar y valorar como lo hicieron nuestros ancianos para que siempre siga en pie - como la Palabra de Dios.

Carlos López trabajaba muchos años, juntamente con el hermano Luciano Franco y **Laurenzo Méndez** como segundo y tercer pastor. Fueron ellos los que tuvieron la idea de hacer un templo más grande que el que estaba.

En el año 1968 recién entramos al evangelio y los hermanos ya estaban trabajando para hacer otro templo, hasta lograron comprar las chapas necesarias. Después de un tiempo el pastor Carlos López tuvo un problema de salud y se tuvo que ir de este lugar. Durante meses le estuvimos esperando, hasta terminar su vida.

Después se reunieron los hermanos y eligieron al hermano **Eladio Cardozo** como primer pastor y a mi, **Cornelio Mansilla** como segundo pastor y al hermano **Américo Suarez** como tercer pastor. El hermano Eladio Cardozo trabajó durante nueve meses; después se reunieron los hermanos para cambiar su pastor. Entonces me eligieron a mi como primer pastor, a Americo como segundo y a **Luciano Franco** como tercer pastor. Trabajamos durante cinco años hasta terminar de construir este templo que ahora está. Lo vemos porque era el mayor anhelo del hermano Carlos López y de muchos otros ancianos que ya no están con nosotros.

Esta nueva casa se inauguró el 26 de marzo del año 1.993. Ese mismo año me pidieron a mí que deje mi cargo como primer pastor. Y asumió Americo Suarez en mi lugar, Luciano Franco y Laureano Mendez como segundo y tercer pastor. Ellos no llegaron a trabajar un año, pero el primer pastor Americo trabajó durante 11 años.

En ese tiempo los hermanos de este lugar cambiaron su forma de ser, porque vino una persona, hacían otras cosas que nunca habíamos hecho, hasta a esa persona decían que era un payazo, el jugaba dentro del templo. Entonces a muchos hermanos no les gustaba lo que hacía esa persona dentro del templo, porque es la casa de Dios.

Entonces un día nos reunimos, solo 30 personas, hicimos un acta y firmamos. Empecé a hacer los trámites porque queríamos seguir como Iglesia Ev. Unida. Hablé con el presidente de nuestra misión que me dio los papeles de ella porque

todavía estaba inscripta. Cuando volví acá, les conté a los hermanos lo que el presidente de la Unida me había dicho. Luego nos quedamos con pocos miembros, ya pasaron 10 meses.

La Iglesia Evangélica Unida llegó en el año 1964 en este lugar, hace exactamente 41 años. Yo siempre fui miembro de ella y gracias a ella llegue a conocer a Aurelio López, Chávez Pereira, Marcelo Gonzalez y a Salustiano López. Ellos fueron los creadores de la IEU.

Ahora estamos bien y aquel que quiere trabajar en esta iglesia será bienvenido.

Yo no tuve la suerte de conocer a mi padre, no escuché consejos de un padre. Solo tuve una madre que me aconsejaba y oraba por mi. También doy gracias por aquellos que oraron por mi, predicadores, ancianos; gracias a ellos soy lo que soy ahora.

Ahora necesitamos la oración de los hermanos pastores porque queremos ampliar nuestro templo. Sabemos que es difícil, pero queremos hacerlo porque sabemos que Dios está con nosotros; con Él lograremos llegar a nuestra meta. Así como Él ayudó a los hijos de Israel a salir de la esclavitud, ahora el mismo está con nosotros para ayudarnos a llegar a nuestra meta.

Ne'ena qadqayañicpi huo'o na ñaq huo'o, qataq huo'o na mashe qaica. Nache ayim iuennataxanaxan da na'aqtaxanaxac, cha'aye da la'aqtaxanaxac na ya'axaiquipi 'eeta' da so vi'i 1964, nache nvitta da La'aqtac Ñi Dios. Nagui mashe ivi' 59 vi'ie, nache nache 'eetai' da natameetac so qadquedoxonecpi.

Ten, da 'enec so qadquedoxonec maye qo'omi' yalecta'agueta, ñaq nca'altauec. 'Eda da hua'auchiguiñe pastor qo'ollaxa, nauegue da'a aso hua'auchiguiñe no'onaxanaxaqui da qadqayä **Ernesto Segundo**. Qalote' soua vi'ie da ilotague' aso no'onaxanaxaqui, dapaxaguenataxanaxaatac, datataigui so 'ena'am na'a ya'axaiquipi, pastor qataq 'onaxanaxaic.

Qataq huo'o so qadquedoxonec, **Bailón Suárez**, huo'o da la'aqtaxanaxac yataqta 'onaxaic. Sa ishet da pastor qataq sa ishet da misionero huo'otag predicador, chochaq tamnaxaic. Qaica da huo'o ca ncáargo. Qaq Ñi Dios yami' da qayátatalec cha'aye yataqta quetelec Ñi Dios.

Nache huo'o so na'aq, nache de'eda qadqayä ca'ai na souaqta'a, nachi yi qadquedoxonec Bailón Suarez iyaxana ye **Lorenzo Barrio** da primer pastor qataq ye **Carlos López** da segundo pastor qataq ye **Juan Franco** da tercer pastor. Sa ishet da sa'axat se'eso na'aq qataq so l'áañe cha'aye sa sayaten. Qalaxaye 'esoua soua qadqayä't yaconhua'alo, yaconhua'alo som qadquedoxonec mayi qayátatalec, nache do'onataxaata'ape soua qadqayä't qaq so Lorenzo Barrio ilotague' aso no'onaxanaxaqui nachana nagui ana'ana.

Mashe qalote' naua vi'ie da ilotague' so Lorenzo aso qapiole no'onaxanaxaqui, nache huo'o so na'aq qaltaq ca'ai ne'ena so qadqayä Lorenzo Barrio. Qalaxaye icoyegueeta na lqayañicpi cha'aye yana'atague da Santo Domingo aca lo'onaxanaxaqui.

Ime, nache ye ya'axaiquiolec Bailón Suárez qaltaq ilo'ogue as no'onaxanaxaqui, nache iyaxana ye Carlos López. Qaica da qayäuo'o ca ntaxayaxac, sa ishet da anac ca pastor qalqo'ochaq misionero, nachi ye Bailón da iyaxana. Yoqo'oye da 'oonolec so ya'axaiquiolec yataqta no'on da na'aqtaguec, cha'aye dam na'aqtaguec ye ya'axaiquiolec da nacheye ye qayátatalec. Qaica ca qoyanaigui da lo'onataxanaxac ye ya'axaiquiolec, nachaqdata da chochaq tamnaxaic.

Qaq qo'omi' saxanaxa da qomi' chapigui', qaq ye Carlos López, nache 'eetai' da ilotague' aso no'onaxanaxaqui. Yoqo'oye ne'ena sonaqtaña iuen da sauogo'o da lloxoyec qataq sauogo'o da naigui ñaqashenaq. Yoqo'oye saýajnaqta da Ñi Dios Ica'aguishec ne'ena sonaqtaña, yoqo'oye quetaueguet na shiyaxauapi. Qalaxaye ne'ena sonaqtaña sa ishet da imeuo, cha'aye da la'aqtac Ñi Dios sa ishet da imeuo.

Soua qadqaýa't ýataqta do'onataxaata'ape, ýataqta huo'oi soua vi'iyé. Do'onataxaatac so Carlos López maye Ita'adaic so nque'ejnaxac - soua Ita'u, nache so Luciano Franco qataq so Lauriano Méndez - ñaq do'onataxaatapoigui se'eso saq 'amaqtac nqui'ic.

Nache huo'o da lhuennataxac da qaýo'ot aca dalaxai no'onaxanaxaqui, aña nagui qailoto'ot, ñaqa'a huo'o. Somayepi ýamata'ac da ýataqta 'onaxai.

Ime, nache nqochin na qompi llo'oxonnataxanaxac. Qaq qomi' nache chita'ague da ñañanaq so vi'i 1.968. Do'onataxaatac so qompi, qaica ca huo'o ca lachoxonaxaqui, qalaxaye lallac so shiyaxauapi. Qataq qaica ca huo'o aca nsueldo, qalaxaye ye la semaána, nache huo'o aña la n'ofrénda, nache ime, nache qaivi' soua 40 chaapa. Nache ime, nache qoýanhuo aña no'onaxanaxaqui, nache ñaq queta so Carlos López de do'onataxaatac.

Ime, nache huo'o so lchoxonaxac so Carlos, dechoxootega aso no'onaxanaxaqui dalaxai qalaxaye ima'a't da losoc, icheýauga ye naña. Nache qaýamaxalec so Carlos da nqa't soua qo'ipaq maye naña ye qoýoqtégueña, nachi so qompi ýalaxaguet so nchoxonaxac: so ýallippi qataq 'alpi do'onataxan, qanayeguelec aca dalaxai no'onaxanaxaqui. Nache qaýata'ague da ýa'axattac da lauanaqchec, nache qanaxat. Qaq se'eso naxat ýataqta Ita'adaic da idolec. Ime, nache sa qaýalemamaxat, nache hueta'a da no'nataxanaxac, ime, nache ca'ai ne'ena lýateec da lo'onataxanaxac, nache seuataqtaique, huo'oi ca'agoxiqa. Ime, nache qaiuataique, nache sa ishet da ñi'iguelaq, chochi ivita'a da imeuo da nachaalataxac.

Ime co'ollaxa so'o, nache laponaa na shiyaxauapi, nache qaýaconhua'a som qadqaýa maye do'oxonaxan so na'aq. Eladio Cardozo 'ena'am dalaxaic qaýatatalecpi, pastor **Eladio Cardozo**.

Ime, qataq aým qaýauaxaýaxanguet, aým segundo pastor qataq tercer pastor so **Américo Suarez**. Ime, nache do'onataxan, ivi' naua nuevólqa ca'agoxiqa, nache qataq nlaxaaña da no'onataxanaxac, ivi' da'a no'onaxanaxac sa qaýo'ot. Ime, nache qaiquiguiýaua'a da qanqat. Ime, nache detaxaýapega't na qompi da qanadalaxat ca pastor, nache aým qaýaconhua'a da aým primer pastor; segundo pastor so Américo Suarez qataq tercer pastor so **Luciano Franco**. Ime, nache so'onataxanaq qaq aým nachi 'eetai' da saýaten da nshitaique no'onataxanaxac ye Carlos López, cha'aye nachi 'eetai' da na'axaýaxaataigui na ýa'axaiquipi qataq na ýa'axaina'api qataq mashe huo'o so chaapapi huetaigui so nyec, nache so'onataxanaq se'eso vi'i, nache nachaaña ñi nyec.

Qataq ime, nache qoýanhuo so na'aq 26 de marzo 1.993, nache ime, nachi aým qaiquiguiua'a da ñañaxaaña, nache qaltaq dalaxaic so primer pastor da Américo Suárez, segundo pastor da Luciano Franco qataq **Laurino Mendez** da tercer pastor. Ne'enaua segundo qataq tercer pastor sa ivi' un 'aaño da lo'onataxanaxac, qaq so primer pastor Americo Suarez ivi' na 11 años da do'onataxaatac. Nache se'eso 11 años, nache daqat da lataxac na 'amqaanataxanaxaicpi, cha'ayi dalaxaic so qaýaconguet, qaýoqtégue, nache chochaq salloqtauo, nache qana'axaýaxaatega so doqshi le'ec, da'aqtaxaatac. Qataq anac so lýa na'aq, nache da'aishtac payaso.

Qaq qomi' qom, ýayaqta sedenaq ne'ena qado'onaxanqa', cha'aye sauoqtaique da neta'aina'a Ñi Qadta'a. Qaq ca chigaqhuc shiyaxaua sa iden, qom chochaq nlogoñi na qom, qalota na sa ýaýamaxaden qalaq chochaq ñi'imaxat. Ime, nache huo'o so iuennataxac da sa saýamaxaden so doqshe. Qataq qalota na nataq'en sa

ÿäÿamaxaden, cha'aye sauoqtaique da nache 'eetai' qolaqtaigui ana la Uniida. Nache huo'o so qadtaxaÿaxac, huo'o aso qana'acta, ime, nache ñanedaxalec, qomi' 30, ime, nach so'ot ana tramite. Sa ishet da so'ot aca ÿaqa'a, chaqnata anam ñanacte' Uniida. Nache ñiqonhua'a so presidente ana Uniida, nache aÿim da'aqtaxaateguem da ñaqa huo'o so le'enaxat aña qado'onaxanaxaqui, nache aÿim qoÿami' so malate. So na'aq co'ollaxa ñivi', nache sa'aqtaxaateguem na ÿaqaÿañicpi, nache chochaq qosheetec somayipi. Nache qomi' ño'onqañi, qomi' sa lamai', nagui ivita ye lañoxoqui ana qado'onaxanaxaqui, nache chita'ague ÿataq da Uniida ñaq 10 meses. Qaq huo'o da qan'achic da sañoxotaq da shi'iguelaxasoxoigui ana Uniida.

Ana'ana Uniida qo'ollaxa nvitta ne'ena se'eso l'áañ 1.964, nache nagui 2005, nachi ivi' 41 'años.

Aÿim ÿataqta ñanacte' ana Uniida, ÿoqo'oye sauatton so Aurelio López qataq Chavez Pereira, qataq Marcelo Gonzalez, qataq Salustiano López.. 'Eso so ÿallippi ÿa'aayiñi ana la Uniida.

Nagui sa'amaxasoqchiguiñi cam nshitaique da do'onataxan, nachi do'onataxan. Aÿim ÿataqta seuelec ana'ana I.E.U., cha'aye qaica ca saq aÿim ÿauanguí da sachigoqta'ague, qaica ca aÿim ÿapaxaguen, cha'aye qaica ca ita'a, sa sauatton ca lapaxaguenataxanaxac ca nta'a, ñida'aguet aso ÿate'e.

Qaq nagui huo'o da ña'achic chigoqchigui da natamnaxac na 'aqtaxanaxaicpi qataq na ÿa'axaiquipi. ÿoqo'oye sa saÿamaxaden da qaÿa'ashaxanai', cha'aye sachigoxotchigui da ña'achic da saq cha'a qataq da yo'oqta. Qataq qomi' seuenaq ca nqouagaxainaxac na pastorpi cha'aye huo'o da qadhuennataxa da nquictashiguem na qado'onataxanqa' qomi' choxodache, qalaxaye sauoqtaique da ivida'a da no'on ca sapiaqtalec. Huo'o da lqalaic, qalaxaye huo'o Ñi Qadta'a maye qaica ca iqalanapec. 'Eeta'am so llalaqpi so Israel qo'ollaxa itenaguet so huataxanaqpi, nache Ñi Dios inat so Moisés, 'eeta': "¿Negue't na 'anasoqta'a?" Nache 'enapec: "Qomyi ÿashilte." Nachi ÿasat: " 'Auachaxanec gone'." Nachiñi ñi detaunaxaatac se'eso na'aq. 'Eeta'am nagui, nachiñi ñi qomi' itauaata'ape.

Nache tachiguiña da ÿa'aqtaxanaxac.